



KOMUNIKADO PA PRENSA

Fecha
1 di òktòber 2016

Kolaboradó di Maneho
Corinne Leysner

Email
corinne.leysner@gobiernu.cw

Minister Camelia-Römer ta duna òrdu pa kampaña di informashon tokante roinan na Kòrsou

Willemstad- Ministerio di Tráfiko, Transporte i Planifikashon Urbano ta kuminsá un kampaña di informashon fuerte pa eduká tokante mantenshon di roi. Den e dlanan ku a pasa a sali na kla ku komunitat di Kòrsou no ta sufisiente na altura di e importansha di roinan limpi, komo parti di e ret di desague di awa. E falta di konosementu aki por a okashoná hopi daño na pertenensia di individuonan i na infrastruktura di Kòrsou, i asta kousa víktima, si di bèrdat orkan Matthew lo a pasa nos isla.

Roinan limpi ta roinan sin shushi doméstiko, sin kùp, bòter, baki foam, bruki di beibi i sigur sin frishidèr, pochi wc, kashi paña bieu, tayer di outo i otro opheto ku por blòkia e bokanan di e roinan pa pasa e fluho di awa. Palunan i vegetashon den un roi simplemente por snui pa nan no stroba bista, pero no ta eseiinan ta blòkia awa pa pasa dor di e sistema. Vegetashon ta yuda trankilisá e fluho di awa, pa e awa no bai muchu duru i lihé den e bokanan loke tambe por sòru pa problema.

Bon funshonamentu di roinan di Kòrsou ta den man di Gobièrnu i di komunitat mes. Minister Suzy Camelia-Römer di Tráfiko, Transporte i Planifikashon Urbano i Obra Públiko a disidí ku trabounan di limpiesa na roinan i bokanan di roi ta sigui. Mas trempa den e aña aki, a limpia roinan na Kòrsou, pero a konstatá dor di e tantísimo yamada i pedido ku a dreña via e numbernan de emergencia ku OW a pone disponibel, ku tin sufisiente trabou adishonal pa hasi ainda.

Ta urgi públiko pa yama polis ora ta mira hende tira shushi i potoshi den roinan di Kòrsou. Nan ta kastigabel segun nos leinan. Ora tin problema ku awa no por sigui pasa den roinan i bokanan di roi, por yama Obra Públiko pa bin solushoná esaki.